



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-400;
fax. +387 33 726 414
e – mailinfo@voda.ba

Broj: UP-1/21-3-40-261-6/22

Datum: 07.10.2022 godine

«Agencija za vodno područje rijeke Save» Sarajevo rješavajući po zahtjevu Investitora „ADK” d.o.o. Novi Travnik u postupku izdavanja vodne dozvole za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za izradu čeličnih zavarenih konstrukcija i dijelova čeličnih konstrukcija, sa pratećim objektima i sadržajima izgrađenog u industrijskoj zoni-Mehmeda Spahe br.1, općina Novi Travnik, na osnovu člana 109. Zakona o vodama („Službene novine Federacije BiH”, broj 70/06) i člana 200. stav (1) Zakona o upravnom postupku („Službene novine Federacije BiH”, broj 2/98, 48/99 i 61/22), donosi:

RJEŠENJE o vodnoj dozvoli

1. Daje se vodna dozvola pravnom licu „ADK” d.o.o. Novi Travnik za ispuštanje oborinskih onečišćenih voda i aktivnosti koje mogu imati specifične uticaje na vode prilikom rada pogona za izradu čeličnih zavarenih konstrukcija i dijelova čeličnih konstrukcija, u industrijskoj zoni-Mehmeda Spahe br.1, općina Novi Travnik, na k.č. k.č. 47/3, 47/4, 47/5 K.O. Šenkovići, općina Novi Travnik i 623/1, 623/2, 624/1, 625, 633/3, 633/8, 611 i 633/8, K.O. Margetići, općina Novi Travnik.
2. Ova vodna dozvola se odnosi isključivo na aktivnosti i lokaciju definiranih tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanjem sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH” broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i utvrđenog činjeničnog stanja na objektu i pod slijedećim uvjetima:
 - 3.1 Da korisnik izgrađenih objekata i instalirane opreme koji se koriste za proizvodnju čeličnih zavarenih konstrukcija i dijelova čeličnih konstrukcija, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2 Da korisnik navedenih objekata za vrijeme trajanja ove dozvole, osigura da se otpadne vode iz postrojenja za proizvodnju čeličnih zavarenih konstrukcija i dijelova čeličnih konstrukcija kao i svih manipulativnih površina, nesmetano sakupljaju i odvođe do objekata predviđenih za tretman otpadnih voda i prečišćene ispuste u definirani recipijent. Ispuštena voda iz separatora masti i ulja kao i postrojenja za tretman otpadnih voda mora biti sukladna Uredbi o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
 - 3.3 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uslovima ispuštanja otpadnih voda u okoliš i sisteme javne kanalizacije (Prilog 24), podnosilac zahtjeva je u obavezi iste ispoštovati.
 - 3.4 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.5 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža koja je izrađena u krugu poduzeća, postrojenje za tretman tehnoloških otpadnih voda, taložnici i separator ulja i masti) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.6 Ukoliko se čišćenje radnih strojeva kao i mehanizacije, vrši unutar industrijskog kompleksa, čišćenje vršiti isključivo na betonskoj podlozi s izvedenim sustavom odvodnje prema taložnicima odnosno separatoru ulja i masti.
 - 3.7 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
 - 3.8 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.9 Otpad koji nastaje u postupku proizvodnje i drugi nusproizvodi, te mulj iz uređaja za tretman otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.10 S ovlaštenim poduzećem vršiti održavanje, čišćenju i pražnjenje iz separatora masti i ulja kao i postrojenja za tretman otpadnih voda koje nastaju u proizvodnji i voditi evidenciju o istom.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, „ADK“ d.o.o. Novi Travnik je dužan provoditi sve mjere i aktivnosti propisane istom.
 6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 129. stav (1) Zakona o vodama („Službene novine Federacije BiH“ broj 70/06) se daje sa rokom važenja od (5) pet godina od dana pravosnažnosti ovog rješenja.
 10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentirani zahtjev za izmjenu ovog vodnog akta.

Obrazloženje

Investitor, „ADK“ d.o.o. Novi Travnik obratio se ovoj Agenciji sa zahtjevom za izdavanje vodne dozvole za ispuštanje oborinskih, onečišćenih voda i aktivnosti koje mogu imati specifične uticaje na vode, uslijed rada pogona za izradu čeličnih zavarenih konstrukcija i dijelova čeličnih konstrukcija na lokalitetu naselja Bage, u općini Jajce izrađenog na k.č. k.č. 47/3, 47/4, 47/5 K.O. Šenkovići, općina Novi Travnik i 623/1, 623/2, 624/1, 625, 633/3, 633/8, 611 i 633/8, K.O. Margetići, općina Novi Travnik.

Uz zahtjev je dostavljena sljedeća dokumentacija:

- Kopija Rješenja o izmjenama podataka u sudskom registru broj: 051-0-Reg-21-000499 od 21.09.2021.god. izdano od općinskog suda u Travniku.
- Kopija Uvjerenja o poreznoj registraciji od 27.01.2022.godine, izdanog od strane Porezne uprave – Kantonalni ured Novi Travnik.
- Zahtjev za produljenje roka za dostavu dokumentacije od 13.6.2022.god., i 15.08.2022.god.
- Kopija uplatnice administrativne takse i uplatnica po Zaključku o posebnim troškovima.
- Okolišna dozvola br. 03-23-34/17 od 30.07.2018.god. izdana od Ministarstva prostornog uređenja, građenja, zaštite okoliša, povratka i stambenih poslova KSB.
- Izmjena okolišne dozvole br. 07-19-10203/21 od 02.12.2021.god., izdana od Ministarstva prostornog uređenja, građenja, zaštite okoliša, povratka i stambenih poslova KSB.
- Rješenje o odobrenju za građenje proizvodno poslovnog objekta- hale za zavarivanje br. 06-19-4-204/2022 od 16.02.2022.god., izdana od Službe za urbanizam, imovinsko-pravne poslove i katastar općine Novi Travnik.
- Rješenje za upotrebu skladišnog objekta br. 06-23-5—521/2020 od 09.07.2020.god., izdana od Službe za urbanizam, imovinsko-pravne poslove i katastar općine Novi Travnik.
- Upotrebna dozvola za uređenje –asfALTERSKE radove na skladišnoj hali, br. 06-23—5-710/2019 od 26.09.2019.god., izdana od Službe za urbanizam, imovinsko-pravne poslove i katastar općine Novi Travnik.
- Odobrenje za upotrebu za izvedene radove na rekonstrukciji i nadogradnji proizvodno-skladišne hale br.03-23-317/19 od 16.09.2020.god., izdana od Ministarstva prostornog uređenja, građenja, zaštite okoliša, povratka i stambenih poslova KSB.
- Ugovor o čišćenju i održavanju separatora ulja i masti sklopljen s poduzećem „DELTA PETROL“ d.o.o. Kakanj od 22.04.2022.god.
- Ugovor o isporuci, montaži i puštanju u pogon postrojenja za prečišćavanje tehnoloških, otpadnih voda iz pogona ADK , br. U-44-2019 OD 02.07.2019..
- Glavni projekt postrojenja za prečišćavanje tehnološke otpadne vode , šifra projekta 22/09-NT/1 iz 9/2022.god., izrađen od „EDI-ING“ d.o.o. Donji Vakuf.
- Izvještaj o rezultatima ispitivanju kvaliteta tehnoloških otpadnih voda za 2021 god., br. GI-51/22 od 6/2022 izrađen od „Inspekt RGH“ d.o.o. Sarajevo .
- Izvještaj o rezultatima ispitivanju kvaliteta tehnoloških otpadnih voda br 618/22 od 4/2022 izrađen od „Inspekt RGH“ d.o.o. Sarajevo .
- Suglasnost za priključak na vodovodnu i kanalizacionu mrežu br.2022/2021 od 24.12.2021.god., izdana od JKP VILENICA d.o.o. Novi Travnik.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-261-5/22 od 16.09.2022. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće: Poslovni objekat koji se koristi za proizvodnju čeličnih zavarenih konstrukcija i dijelova čeličnih konstrukcija izgrađen je u poslovnoj zoni bivšeg poduzeća „Bratstvo- Novi Travnik“-Mehmeda Spahe br.1, općina Novi Travnik, na zemljištu označenom kao k.č. 47/3, 47/4 i 47/5 K.O. Šenkovići, općina Novi Travnik i k.č. 623/1, 623/2, 624/1, 625, 633/3, 633/8, 611 i 633/8, K.O. Margetići, općina Novi Travnik i sastoji se od proizvodnih objekta, otvorenih i zatvorenih skladišnih prostora, administrativno upravne zgrade i manipulativnih površina.

Tehnološke otpadne vode nastaju u postupku obrade metala i izrade metalnih proizvoda i oruđa.

Za sustav pročišćavanja otpadnih voda instalirana je sljedeća oprema; separator ulja s koalescentnim filterom, spremnik za egalizaciju, fizikalno-kemijski reaktor s mješalicom, sustav za doziranje kemikalija, biološki tretman- BP SBR 10 O/SN, spremnik za mulj, završni filter za poliranje, vrećasti dehidrator mulja, upravljački ormar i čelični vodonepropusni kontejner.

Tehnološke otpadne vode se sustavom otvorenih kanalicama i dijelom preko cjevovoda skupljaju u separator masti i ulja, nakon čega se spaja na SBR uređaj te preko kontrolnog okna ispušta u kanalizacioni sustav.

Spremnik za egalizaciju koristi se u svrhu kompenziranja neuravnoteženih hidrauličkih opterećenja koja dolaze na sustav za obradu otpadnih voda. U spremniku je ugrađen sustav grube aeracije kojim se smanjuje pojava neželjenih anaerobnih procesa, određene tvari oksidiraju što doprinosi njihovoj razgradnji.

Fizikalno kemijski reaktor s mješalicom ima svrhu mješanja otpadnih voda s prethodno doziranim flokulantima i koagulantima s ciljem stvaranja flokula koje imaju veću masu i koje se otklanjaju kroz proces taloženja.

Spremnik za mulj se koristi za prihvatanje nastalog taloga koji se zbrinjava odvozom od strane ovlaštenoga poduzeća za zbrinjavanje opasnog otpada.

Dehidrator mulja se koristi za smanjivanje vlažnosti u mulju.

Završni filter za poliranje se koristi u svrhu konačne obrade vode odnosno postizanje parametara sukladno zakonskim odredbama.

Oborinske onečišćene vode se sustavom kanalicama skupljaju i odvoje u separator ulja i masti s prelivom u kanalizacioni sustav.

Monitoring otpadnih voda vrši poduzeće „Inspekt RGH“ d.o.o. Sarajevo na dva kontrolna mjesta i zadnjim nalazom, br 618/22 od 4/2022, potvrđeno je da su svi parametri u dozvoljenim granicama koji su propisani Uredbom o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20). Vodoopskrba je sa javne vodovodne mreže.

Na osnovu očitovanja Službe za prikupljanje prihoda od vodnih naknada konstatirano je da podnosilac zahtjeva „ADK“ d.o.o. Novi Travnik, redovno izmiruje svoje obaveze uplate po osnovi posebnih vodnih naknada.

Na osnovu provedenog postupka konstatira se da je podnosilac zahtjeva „ADK“ d.o.o. Novi Travnik, ispunio minimum uvjeta za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode, sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.građ.

Po ovlaštenju

Rukovodilac Sektora za izdavanje vodnih akata


Haris Ališehović, dipl. ing.građ.

- „ADK“ d.o.o. Novi Travnik, Mehmeda Spahe br.1, Novi Travnik
- AVP, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava